

Ehecutivonan di SITE di bishita na Museo Numismatico



ORANJESTAD—Diadomingo ultimo e ehecutivonan di SITE den nan recorrido di pa conoce locual nos pais tin pa ofrece, a bishita tambe Museo Numismatico.

Manera ta conoci, un total di 275 ehecutivo di planificacion di biahe incentive y reunion ta di bishita na Aruba pa asina reuni y discuti e miho forma pa planifica biahenan pa nan clientenan.

Durante e fin di siman cu a pasa e ehecutivonan di SITE a participa na diferente actividad y a bishita diferente lugarnan di nos isla, algo cu pa nan tabata un experiencia grandi y bunita y cu sigur sigur lo motiva nan pa recomenda nos pais como e destinacion pa reunion of incentivonan ideal. Riba e fotonan por mira e participantenan di SITE disfrutando di nan bishita na Museo Numismatico.

